

kalden, Hagenau und Worms zc., durch e. f. g. unterthenigklich gebrauchen lassenn, und ist deme guthen manne beschwerlich, das ehr mit seynem weibe seynem schwerh lenger ubirm halse liegen, der mit yhme selber, als eyn armer handtwergsman, sonst genugk zcu thun hat, szo ist auch in des licentiaten vormügen nicht sich in eygenen haußhalt
 5 also bloß zcu wenden, zcuforderst dieweyl ehr sich die zzeit und sider seynem ehlichen beylager in schulde geschlagen, und ist demnach im besten bedacht, das der licentiat sich drey iar nacheinander iedes iar mit zweihundert gülden auß dem stifte und von wegen der prebende contentiren lassen solde, uff das ehr sich mit deme capittel und yhrem sindico ader spitalmeister in keyn gezcengke und rechnunge eynlassen dorffte
 10 und das yhme das geldt uf die drei Leiptziger mergke, ydes marcks der dritte pfennigk von vormelten zweihundert gülden binnen der stadt Leiptzk möge gereicht werden, und das nach endung der dreier iare die sache in deme stande stehen solde, wie sie itzo stehet, es hat sich abir eyn capittel doreynn nicht begeben wollenn, hirumb an e. f. g. ist unser unterthenige bitte, sie wolten das capittel uf die wege
 15 wie gemelt bewegen und erhalten lassen, das sie deme licentiaten possessionem prebende geben und die retardata biß uf diese zzeit ane fernern uffzcugk vorgnügen und hinfur der drei iar langk ydes iares die zwei hundert gülden uf angetzeigte fristen und wie obsteht entrichten, dan ehr mit seynem lesen und leren nicht weniger in vinea domini gearbeitet, als die residenten. Sulchs umb e. f. g. in unterthenigkeit zu vordienen, seint wir
 20 schuldigk gevlissenn und gantz willigk.

Datum Leiptzk anno zc. xxxxi mittwoche cinerum.

E. f. g. unterthenige capplann und willige rector, magistri und
 doctores der universitet zcu Leiptzk.

Dem durchlauchtigen hochgebornen fursten und herren, herren Henrichen
 25 Herzogen zcu Sachssen, landtgraven in Doringen und marggraven zcu Meyssen, unserm gnedigen herrenn.

412.

Die Artistenfakultät bittet Herzog Heinrich eine neue Collegienordnung zu erlassen.

Leipzig, 1541 Aug. 1.

30 Hdschr.: Concept Hauptstaatsarchiv Dresden Leipziger Handel 1246. 1510. 1539—1541 loc. 10531 fol. 303—306.
 Anm.: Vergl. hierzu No. 410.

Durchlauchtiger hochgeborner furst und herr. E. f. g. sein unser gantz willige dinste inn untherthenigkeit und gehorsam zcuvoor bereydt. Genediger her. Es haben e. f. g. sich genedigklich zcu erylennern, das derselben die universitet alhie im winther
 35 verrugkt umb eyn stadliche reformatz unnd derselben besserunge, auch an zinsen, leuthen und eynkommen untherthenigklich angesucht, dieses auch dermassen bey e. f. g. wir beanthwort worden, das dieselbe universitet e. f. g. uff yhr erfordern alle yhrer eynkommen, rechnunge, brieve und privilegien, zculetzt auch in ein notell und angestellte forme, wie ungeferlich zcu reformiren were, e. f. g. noch eynander uberschigkt,
 40 welch ansuchen, wiewol eß eyn ihar zcuvoor auch allerley unvormeydlicher notd halben